

荷
塘
詩
集

荷塘詩集卷十二

涇陽張五典絳百

寄葛巽軒同年

晨餘杭人宰涇陽葛收乾州引疾遽歸

共說使君去令人意缺然郵亭謀截鐙谿谷避齋
錢遠夢黃山月遲歸楚水船通門舊弟子弟姪輩出門下
抱樸誦清篇

熊斗垣表弟竹趣圖

未陽舅氏季子

清涼軒

外大父名之地也

外竹千竿籜解晴風夏午寒記得

不刊言 卷二
一
兒時逐諸舅試書新粉隔晨看

髯舅書名世所知老來湘管尚臨池春宵有夢隨
雷雨化作當階碧玉枝

過周芝挺村居魚繩巷先至小酌余去高陵
返同宿

麥熟粟留鳴村煙豁曉晴就談前約在列座小軒
清誰復知賓主無勞事送迎路廻重對酒下澤一
車輕

小集同王稻香山長陳敬齋丁西林兩學博

作

槐花幾樹黃
院落雨餘涼
清簾沿階坐
甘瓜浸水嘗
嘗言從見心
性癖各主文
章閒暇卽相
覓櫻糝塵尾
長

李乞詩

并叙

李僕以乞自名絕不道其里居年齒止涇陽
城東一小巷歲久矣老愈健不羈履行冰雪
中人以是異之一貴官邀與談荅曰肯福人
便爲福何有休咎居然有道之言也爲作詩

儵然瓢笠一身隨，行乞閒懷無愧詞。
履跡何從認，東郭中書應好見。
希夷字關名姓，都能識坐滿跣。
跌定不欹歸客計，程餘萬里入菴初。
看鬢垂絲。

咸陽訪吳子昇村居

終南滿戶爛涓，上古村墟日夕有。
來客主人方讀，書林風宜步驟。
露氣濕衣裾，謀就燈前飲溪頭。
問老漁。

懷仙吟十二首

何漣漪廣文

浩涇陽人遊先伯父河南郡幕任嶽縣學卒

學博本清才，派沿梁水部。豐頤腹便便，孤調高刻。
羽短視進耄，年溫經却焮。炬擁被坐中，宵琅琅聲。
出戶東都盛，賓從招邀入。幕府名飲真，溫克拈令。
必酌古無言，對楸枰勝負無。鉏鋤獨於文字間，攻

辯嚴繩矩，闌干藉苜齋。荒蕪松筠墅，飛雪隴頭吟。

落花山香舞，課士逢儒吏。摸索題諧語，秋水正漣。

漪老眼沉瀼貯。

廣文與段秋水孝廉齊名，邑宰桂林唐公秉剛課諸生，偶為人捉刀。

公輒辨得書紙尾曰：亦何段澄澈耶？大有秋水漣漪之致。越日而晤語，以實遂撫掌大笑。

周藕香布衣

長逢會稽人，喜填詞，工篆刻，約同赴福州，夜忽坐逝。

家傳櫟園書心慕羨門訣十日九持齋爲人正癡
絕詞比宋元人平分古風月每說夢丹篆聚石事
振擎要續閩小記游屐携甌越艾綠桃皮紅一一
供剗廁玉箸突雙垂無以醒睡兀得非變姓名寄
身市門卒瑤草春雨中芊綿通禹穴

李文巒監司

燕洛陽人爲先伯父門下士盛年游任濟東遽卒

洛下多交游李子一年少捷敏果軼倫名高東翅
鶴出作神明宰却寇倚清嘯草寇王倫作逆時作令濟陽著有勞績
樓址認白雪三生疑重到彩雲影易滅曇花光乍

照真情向師門夙心繫舊好負君齊晉間十書嬾
一報北印駐客驂絮酒痛獨弔魂兮早歸來青螺
乘飛越便入白馬寺

文繼讀書處也

千秋依象教

沈立人大尹

齊義烏程人與余同游周砥齋臬使幕丙戌別於都門

任壽張爲逆寇王倫輩所害子麟以難應得安鄉令

東陽本文弱大節能不缺歲久見遺孤映曉淚向
凸梁苑讌游同燕臺風雨別百感乍攖心迷舊終
指髮好士周廉使真契磁石鐵生平一知己琴絃
兩斷絕作吏山左右么膺起鼠窟罵賊君爪握察

竊吾政拙

余令武鄉失察驛胥稽損捕討逆黨檄文降職解任

還憶汴水

層樓坐秋月醉題五丈壁巍哉藉扶挈

砥齋公坐工書

起雜喧譁唱酬歌數闕追陪攬羽衣欲擬三山闕

陸二柳刺史

王任長洲人初任豫藩都事遷寧州罷歸卒

詩派范石湖畫格周東村二柳歸去來三徑松菊
存長貧率性分骨癭情味敦故交脫推解隨手散
朝昏齋聯摘清語前賢爲贈言小心事友生年齒
非所論憐才到阿蒙擊節賦高軒別來索新詩急
遞畢郢原水竹屋基圖諾宿一燈磬客來自吳下

問舊聲爲吞怪底斷消息名香待返魂或逢扶搖

子林間共化猿

二柳齋聯事到可傳皆是癖人非有品不能負摘明人劉簡齋句也

嘗於廣坐問余曰足下七字詩如汴上懷古朱履三千魏公子金牌十二岳將軍吳門卽事雨篔簹譯分魚火檀板楓橋上酒船者幾許陳荔汀遠曰致百黃岡夜泊月色榜歌來赤壁江聲戍角滿黃州正亦可誦

家休莽主簿

裕嬭桐城人別於臺陽時過七旬矣歸里旋卒

東溟泛槎翁乘興爲求詩別時覺魂銷後會未可期
掀髯殊慷慨代馬須終騎難老泉涓涓長生蘋
絲絲收拾入奚囊龍眠歸山茨我爲壯斯語撾鼓

手一麾歲暮岡山寇抗捕稽誅夷犍刀隨戎幕借
箸隨成奇陸賈裝乍卸向平志猶虧倏教乘白雲
何處駕青螭每憶澄臺上揚袂欵接離棚眉指蓬
壺凌風欲去時

休翁嘗登澄臺望澎湖島曰此可借作我之蓬萊方壺也

胡勉亭通守

建偉粵之三水人任澎湖秩滿歸老

絕島立講院山長卽別駕風雨阻歸舶託宿天所
借翩翩領生徒一揖相邀迓壯螭牆幾重麻沙書
連架寒井新斲石小圃宜習射宴酣一倚醉留題
高燃樺

余詩所謂何止經師推北和叶白雪吟袖海應從天下說中庸者也

藏失炎夏海山成連心禮樂文翁化桐鄉鶴表隔
潮陽龍騎下誰起安定祠好搆凌雲榭

任岱宗都督

湖寧夏人領
鎮漳州卒

將軍起參伍頭額一虓虎畢生尚潔操時平掩其
武塞雪射曉光壯歲笑雙瞽於時未立子醫藥忌
寒苦舌砥刮金篦期門得舊侶感之畫遺像伏臘
爲設簋老病日侵尋凌晨必劍舞馬卒偶扶騾真
呵待捶楚藐孤用治命部曲却賻補真少十金產
歸櫬倒箱笥精靈騎箕尾鐵馬隨風雨恍惚雲霄

城夜月見旌羽

余臨午刺史

丙歷城人令鳳臺
遷賓川假歸旋逝

余仲號玉人髭髯致尤美中年嬾覓句談藝通源
委洋洋海岱風獨稱秋谷子細楷烏絲闕刪取具
微旨太行琴一操昆明路萬里梅萼春自流香岩
石何綺余贈行得香岩品綺石梅萼酌春流之
句臨午曰此生恐無此福竟成識與 誰
語堪斷腸飛景真彈指竟留王屋側會應食山髓

魏明川廣文

倫武鄉人任猗氏學引年歸
居石城砦卒子大成寄墓誌

三

魏生傳遠信開緘得墓表五經明川翁南亭尖一

老三年碧雲閣

余所建也

一來坐木杪得及簿領間策

騎雲外堡石盤雲溟濛清潭冰縈繚憑欄向夕曛
圍爐抒幽抱盃浮襄陵酒杵剝安邑棗危坐垂雪
聳目瞬閃益瞭迄予賦歸去病榻聞拊擣吏才實
太疎故人何懊惱生平手著書易簣促焚藁石經
指搨本兒曹足搜討從知草堂人遺詩殊草草神

仙有名心所見亦何小

魏野詩有名開富貴無事小神仙

楊子安五丈

鸞潼關人歷宰華容長沙邵陽罷歸居華陰卒

醴泉亦有源琪華亦有蒂楊氏潼水閣灑落遺清

製子安承祖風深律老入細衡湘供屣游雲漢託

真羿

詩有邈雲四刻

蹤跡互出處鱗羽輕迢遞最後相逢

地固作千秋計東溪竹樹幽小園春雪霽客狂踈

載酒兒慧解著單二南有遺音別須發凡例

丙申春初

余赴湘表紆道訪村居約証掌中中妙應合鑿柄

語次約重刻二南遺音吁嗟平生心渺茫無來繼昨逢峒嘯翁

曠太史敏本於子安

有舊爲隕銅狄涕語罷重歎息三至不旬歲試與論

風雅關西表世系

大恒師

元日試筆處主客湖上寺端有渡橋入一笑尋蹤

至

丙戌元辰詣別出見我圖余爲書二絕句師答

至

一 律有曰詩成又手傳來易老納無情別亦難

適聖因涵上人座間談未歇煙中權已遲踈鐘殷

斷岸殘雪拂短簷揖別魂黯然極難忘此意詩好

客屢來詩好何妨客屢過香樹先生贈句也道廣亦妙義我多方外

交夙緣在文字兜率誰從問瑩面猶省記

斗垣示及婦翁楊迂谷畫冊感憶舊事因書

其後

才人之詩自工絕詩出詩人覺全別畫出畫師妙

入古士人作畫初無訣昔逢書佑在燕都一幅生

綃展欲裂題字依稀辨富春酬直立捐雙玉珙禪

寮走示秋影翁

千安一號
秋影居士

茶甌烹取前暉雪行篋

徐出青藤筆細梅零落綠筠折評跋便約互相易

雲鶴客踪事未決翁癖吟詩不作畫破戒忽然試

扞鐵江山平遠入煙雨誰見樓閣架瀛碣踈林黃

葉並無多棘針花鳥意何屑陽關草葉好收藏升

叔心通象外說

以事至三原晤晁惠齋劉通城樊太湖訪樊
馬平王紅蘭不值感憶李仁哉武上林家
于野憮然有作

經行甚匆促問舊一心存滿郭清渠轉新篁比屋
繁情原豁傾蓋語半付應門嬾貰梨花酒難招故
侶魂

贈劉暎青

世熾三
原人

青老談藝如說禪要憑半偈了真詮青老作字如
屈鐵半截唐碑與留訣

王蓮心稱君藏有釋大別
雅集右軍書是初搨本

來十稔顏愈好爲人夷白絕煩惱解組歸休守菊
籬點綴羅生書帶草門前載酒許相過醉帖不換
山陰鶯好教詞客看仔細澆澆空自招撝訶午夢
江天一葉舟欠伸忽辭黃鶴樓姬人解事慰岑寂
臨風楚舞彈箜篌

王稻香饋菓

筠籠練幕開破曉小奚來李奈香含飽園林雨過
纔初嘗失宿渴頻拂遠飛埃還向壁間掛遲君同
舉盃

過邢庚階

西東無十里，遶郭數相尋。
築稱來禽館，風高項墨林。
狂從嘲獵酒，性故薄蕪音。
談客今誰是，還同証此心。

周芝挺學山枉駕見過

西齋久無客，塵榻亂攤書。
聯騎勞存問，呼童事拂除。
石斑幽蘚厚，檻碧嫩篁舒。
坐覺清言愜，前林月上初。

紀犬

朱生有犬如奚奴讀書獨夜依座隅咩隨隴畔不
須呼生天深林閉孤曠摸金茂視疾雷將犬啣破
巾走市上汗雨蒼黃作往返悲號僵仆咽殘喘翻
身盡地類蟲豸人從收骨向空山迴頭不見繫重
鑿依稀聲落暮雲間

仇實父畫葛洪移家圖

稚川不拜將軍命遠爲丹砂乞一令攜家中路望
羅浮竟許鄧嶽相遮留龍鍾密竹擁山翠璇房瑤
宮七十二規畫隨處稱夙心經笥藥爐得位置兒

郎蒸藜婦炊黍供給攤書叅隱語抱樸已成內外
篇坐來白日空中舉傲屣妻孥定阿誰拔宅夜半
非所期但依此畫卜小築雲溪穿樹峯當楣

問魚繩巷病

幕府秋清月滿墀步簷陡被薄寒欺蒲車歸趁風
晴日絮語歡逢客到時箱笥圖書驅蠹散軒窻簾
箔護香垂相邀已諾東村老

謂芝
挺

携手閒來就菊
籬

寄荅盛茂才永聰

興來吳會作東遊，廻戀烟霞

峯名

揆小舟，蔬豆味長

齋八節，真行法妙帖。雙鈎生兒何止如王濟，有室

曾因慕阮脩

來書云所贈妾爲立子矣

別後研田豐可料，合江

亭畔起書樓

寄絳州王二刺史

瀟湘雲樹影層層，潑墨憑收入素繪

藻洲工畫

灑掃碑

亭看碧落篆文，突過李陽冰

鶴唳琴聲郡閣閒，清秋按部最舒顏。湖園借取聯

床地戀

闕人歸，自玉關

謂蘭圃

西安值王秋丞卽別

前年同客古潭州說著青門惜舊遊正好留看曲
江雨祇憑坐憶洞庭秋飛矜霜隼誰能繼腹痛河
魚合有瘳爲覓茯苓頰仔細故多形似試清脾春
就醫華州或以華參充人
獲因君見售服之無驗

贈渭南尹王錦莊同年

杏舒合肥人

廿載各一令

御屏輸勒名

錦莊舊與記名

從知推治

行不主建麾旌樹擁原豐疊舟沿蔡渡橫口碑聞
客路官與渭長清

荅寶雞鄧簣山明府卽懷李十一學博

官馬陳倉驛每教馱借書林田看已稔
瓶酒賴無虛雨霽嵐浮郭秋妍樹絢除
消閒有吟伴細律定何如

平訥齋大尹招飲却荅卽別

年來徒倚舊書叢門外高車轍屢通
義故相逢情較厚縣齋不至事非公

訥齋爲先伯分巡寧紹時所薦每以余踪跡太疎爲

言坐憐靜院閒調鶴目極長天去逐鴻秋色滿籬

偏止酒請看行笈有山藟

余腹疾小愈

送黃勗亭通守之治峪卽別

好留騎從石橋邊
谷口秋光一倍妍
紅樹叢中盤曲磴
白雲影外疊飛泉
偶憑寺壁題閒句
已剖山農舊訟田
無計追陪雙蠟屐
來朝征路著吟鞭
治有弟送至高陵却別

平生自分舟車慣
病起長征繫汝心
縱使相偕經累日
要知無計免分襟
路遙爭得飛雙鳥
身健端能戲五禽
調膳好憑諸季在
望雲終戀故山岑

謁呂文簡公祠因示菊男

前明多鴻儒涇野醇乎醇行在內外篇程朱上爲
隣弼中自彪外立言掃譴諄詎以科名重道足冠
朝紳友人憐稚子明珠掌上珍課讀熟一經償之
藁衣新規其假利誘義方無富貧從來有覬覦事
集心匪真休論統綺輩難教安結鴉氣華本腹笥
繪布可彰身

交口

大川合涇渭東下注黃河傍岸田宜黍懸崖樹當
歌朝烟迷極浦宿雨漲層波好向金堤畔乘秋漾

月過

西溪

溪水及秋清潏潏落澗聲
密浮芳藻滿寒漲小橋
平夙病憐消渴途塵歎
縛纓閒田如買得連圃灌
黃精

青柯坪

高高五千仞石罅得孤敞
料應分戒初巨靈偶覆
掌

登潼關城樓

潼津已屢渡寄眺偶登城塞古河流曲秋高嶽色
清林泉供小憇書劍託長征倚檻沉吟處涼颺暮
角聲

裴晉公故里

相臣風貌動羣夷淮蔡勲高有舊碑却爲後賢添
話柄園林鐘鼓最宜詩

羊舌祠

三室攘羊人以遺羊舌子受而埋諸野日久骨不
毀按事逢都吏咨嗟直其理叔姬爲此謀智能徹

終始晉國交醜正潛身作遠徙宛轉卒見容準道
未枉已抉泥揚洪波詎礙心如水賢達故多防鯨
鱣制螻蟻

趙曲晤葉洲刺史

別來重隔歲音信未教稀把袂今乘便關情舊入
微河東官酒厚湘表旅鴻飛正好班荆語前林已
夕霏

臨汾道中逢李果泉同年卽送之粵西

徧數當時侶惟君去晉遲秋隨鴻雁遠人到桂林

石渠言 卷二
宜契濶疑經夢留連惜屈岐衡湘絕勝處憑認手
題詩

過介休汪守愚邀至縣齋

村帘搖影客酖顏碧柳橋頭去復還鞭轡攔迴見
劉顥行藏羞說向綿山席移棗閣疎櫺敞步過花
籬別院閒情分故深千尺水相思通夢渡江關

丁酉

東安夢守

愚有詩

守愚出丈紙索書走筆荅之

我書意造初無法况對方家著筆難巨壁何堪副

昂首醉眸已自怯，迴看雲邊征雁成。行出樹杪棲
鴉數點寒別去，老懷長見憶閒中。展取當言歡

九日固關前山偕菊男登高

便因飛鞚上嵯峨，令節堪憑客路過。北向羣山拱
恒嶽，西流衆水赴黃河。霏霏烟幕踈林淺，粲粲霜
明細菊多。漱灑天風桑落酒，教兒拍手和酣歌。

微水鎮書興善寺壁

興善前朝寺，秋溪漲仆碑。樹空蟲半蠹，沙軟岸全
欹。諸佛消金氣，殘僧苗雪髭。無勞問檀越，村社石

藥纍

文安訪紀秋槎觀察里居

來問畿南寶樹軒軒中一勝

御書存

康熙八年
州蕭縣知縣

紀遜宜

賜徐

身閒從識家居好道

在能令學者尊風木心情有餘恨彭聃秘奧足微
言請君早揭名旰表會看鳴騶到里門

答瑛夢禪

遂嬾亦何易入門時共推籃輿佐病足雪色上吟
髭積日勞尋問深談慰別離藝多能近道舊許託

心知

會稽舊尹李香枏索畫因系以詩

孝洋臨川人

雲霞滿巖壑來路甚分明要我摹清景知君憶舊
情柯亭遺跡古蘭渚暮春晴緣在追尋得樵風引
櫂行

與瑛夢禪話舊二首

代北之官薄俶裝柴車書束各盈箱

已丑秋夢禪攝豐鎮余權

應州同發太原層林風影原平路秋果離離飽露香

烏目山人畫格殊會邀題字印連珠清冷心眼都

如水笑却吳裝十萬圖

余藏石谷畫冊夢禪爲審定同時有以十萬圖相貽

者夢禪一覽輒歸之其畫十巨幅作萬壑萬柳之類蓋借翠名耳

傅氏兒

并叙

杞縣傅氏生兒數月患痘氣絕淺瘞而甦過者聞啼發覆抱適他邑傅氏微覺之踪跡迄不可得僧曉悟曰歲在辰離歲在辰合踰紀果如所占兒左足故有誌驗之甚確老孝廉念祖之獨子也同馬編修雪嶠紀其事

妙相曇花現寶粧掌中珠願有還時隱憂可爲東

門解遺體初經校尉知共訝各香聞聚窟未勞法
水灑楊枝父書好藉聰明讀紫痣人傳是異姿

志別詩存二十四首

王大司馬惺園

京華踪跡屢分題此會尤憐對宇樓夜夜酒闌相
揖送門前霜月石橋西

董少豕宰蔗林

賜第覃覃耀彩翬禁城魚鑰隔重扉許邀世舊窺
東閣長是金蓮照夜歸

梁少司空冲泉

垂雲精舍石玲瓏眉宇高寒一病翁爲說使迴容

啟事秋風汾水少哀鴻

祀汾陰歸

召問山右
歎收公以質告蒙
恩

恤賑

朱閣學石君

驪唱都亭倒玉壺薦于教譜入吳歛

公贈行詩有
云知君不少

爲子曲好慰
吳儂望歲除

我公畢竟心知我晉府當初一試竿

王庶子露仲

直道生平無愧辭意存矜慎是真知將軍忠孝餘

文采

時剛定總戎任公舉遺集

任筆還兼沈約詩

祝編脩芷塘

綿延岡勢似蛇蟠附芝銘詞掩淚看

君示及毋夫人盤蛇港墓

誌因爲余敢致王夢樓太守乞書先君同樹旣表

憐我新旣千字誅寓書

江左爲書丹

羅檢討九峯

行擔年來有藥爐竹林人病酒盈厨

族姪汝堂隨余就醫於君

經旬坐向春風裏任是寒蟲蟄也蘇

吳編脩漪園孝廉春岩兄弟

在坡詩 卷十三
桐花遺集染香芸着意徵搜註疏分姜被三年惟
大布堊廬風雨夜深聞

黃中翰調叔

藏身人海幾經時積日相求一見之門第君家雙
棨戟成名還下舊書帷

孟給事蘭洲

風雨槐花樹樹黃輶車萬里指蠻荒
談及典試滇南時事追
憐供給勞繁費水陸巫州十驛長

曹比部容圃

棗南書屋寫新圖授簡題詩當左符頌禱於時善

張孟

壬辰太原余
爲書二絕句

而今好唱鳳將雛

祖比部舫齋

殘雪寒光曉扣門心存細律與深論逢君扶病嘗
茶去迴首空銷別後魂

家比部穆菴

次公原自醒而狂故故嘲詼一哄堂草法舊來宗
長史與人尺牘盡收藏

家農部筠圃

綵弧遙映海天霞

時甫舉子

湯餅筵長笑語譁曠而已

看逢臘雪斜街便好買唐花

瑛筆公夢禪

數椽矮屋一園蔬此景端應靜者居最是尚書清
節後諸孫繪布誦詩書

潞安太守李仙望

錦製詩囊一小奚難爲心血覓刀圭天公位置誰
能料上黨人參五葉齊

宜昌太守家鳳颺

去去武陵極楚天歐公到處有遺篇新詩仍衍西

江派

舊領郡吉安

便附東吳萬里船

李郡丞德符

短李精神貯滿腹秋來消瘦鬢如霜中年已是傷

哀樂又苦西風斷雁行

令弟安仁尹新發

李明府香楠明經友栗叔姪

臨川三李三爲令

夏縣安鄉會稽

髯令科名五十年大志

休哀伏波老雋才早覺仲容賢

李鼎三楊南枝兩明府

析桂炊珠逼歲闌故人旅食寄長安隴頭宿麥迎
三白昨得鄉書互借看

薛八副尹介廷

長公風雅領吾鄉每到聯吟必擅場

補園太史贈
余詩有吾鄉

風雅要君肩之
句今僑居山左寄語挂帆浮碧海消閒鼓柁向滄
浪

王上舍志沂

蘭圃先
生長子

玉關不用寄征衣卜既分明說早歸知子已穿西
望眼黃河天際白雲飛

崑山布衣徐子墳

徐髯豪舉正無倫，頰上添毫妙入神。

都人爲椒山公塑像，君剪

鬚施之。

欲笑祇園供鬪草，海南飛騎送臨春。

攸縣布衣胡滄門

江月晴虹向夜分。

君見示江天書畫舫圖。

高吟應得隔船聞。

春來遲汝金陵岸，目送歸帆入楚雲。

荷塘詩集卷十三

補錄

聞雁和韓夢符作

春向秦關盡尚聞歸雁聲過時方北去

用

征梁稻亦常有往來何太輕騎人應笑汝寂坐掩柴荆

吳門

夢裏江南已十年無邊風物是吳天雨簑震澤分

漁火檀版楓橋上酒船到處林亭秋意薄誰家窻
牖晚粧妍客踪五日匆匆甚聊說初來爲結緣

鄧尉山看梅

近訪孤山處士家水邊籬落數枝花峭帆閒傍銅
坑去香海沉沉縱泛槎

不向吳天負此行寒花娛客滿林亭回頭還與山
靈約遲我楊梅問洞庭

宿盤豆閩鄉朱明府家濂遣使餉魚酒并寄

詩刻

細柳條穿魚眼紅
殷勤爲謝主人翁
燈前一笑讀新詠
當得衙齋樽酒同

漢陽卽事

陸賈祠前日半斜
道人留客坐評花
汲來沔口滄浪水
爲試坡山鳳髓茶

黃州夜泊

烟波亭下曉乘舟
盡日西風落木秋
月色榜歌來赤壁
江聲戍角滿黃州
客逢良夜忘岑寂
座對明燈自勸酬
魚美笋香堪放筯
佳蔬還擬問元修

徐孺子墓

清風尙凜然，坏土故城邊。
東漢無朋黨，南州有道
阡。巔江流皓月，樟樹老蒼烟。
陳醑徘徊處，生芻憶昔年。

發永定阻雨菩提庵

冬盡蠻鄉雨，朝寒驛路風。
湍飛箭灘下，嶺急武溪
東。雪椀浸茶白，竹爐煨芋紅。
禪僧留小住，喜得慰飄蓬。

郭東表招至石馬觀新戰船

君才作舟楫舅氏

揚樸園
觀察

得同心韜畧論兵事承

平絕海禳消閱招侶伴載酒快登臨餘興沿秋月
風前橫笛音

建溪

黃田到劍浦繫舟日未酉理楫結百丈長年督水
手相戒前灘險水落逢三九客子初經行無語躊
躇久程程窮昏曉灘灘直上陟積鐵夾山岡叢篁
合幽鞠到處輒流連亂石爭被肘虎豹猛蹲伏虬
龍怪吻膠高圓困廩堆尖峭劍槩藪或覆如釜甌

或仰如甕白漩渦怒噴衝凌濤橫紛糾乍前仍却
退人力竭任負贛石較可狎巫峽應得偶出坎是
漁梁山樓寒貰酒未及權九曲遠望還昂首

邯鄲道中

盧生本無夢過客莫相疑野店殘陽外黃梁半熟
時

安陸舟中

乘興作孤征風光趁客情江烟空曉月堤柳喜新
晴天遠荆山過春深漢水平短帆隨意泊爲問竟

陵城

謝龔自耘都督送海魚越酒

宣通州人

折蒲亂藻竟何如萬頃凌波小試初燒燭射來鱗
自好加鹽腊就味偏餘寒潮牡蠣墻根土蠶雨枕
椰樹影疎却憶江南逢日至堆盤櫻筍饌鱗魚
唾壺缺盡醉匏罇兀兀終朝岸角巾每恕粗狂容
作我又教傾瀉爲分春酒泉路遠長呼渴公瑾情
深正飲醇便藉馬軍邀後會水嬉一跨七鯤身

答王珍愚孝廉

計吏君偕兩度微官我覓三年奔電遺風駑馬豨
膏棘軸方穿

海國終蜚大鳥竹竿莫笑鮎魚老宿還留好語須
知熱熟生疎

漳水夜漲

奔雷急雨北原北霽景夕陽山外山夜半濤聲來
枕上樓前月影動溪灣炎天乍得幽寒意心事茫
然倚眺間欲挽長河作飛卷徧教霑灑到荆菅

示周松

京口人後頗負
心人之難知也

汝身頎而長汝貌非不颯精神貯滿腹意氣尤蹶
張曷不取富貴託身騶虞行汝固自有說卿員寧
阜方朱門多豪華幸舍盡修廊珠履玳瑁簪賓客
坐連床鳴鐘列鼎食陵肉漚酒漿出入盛傳呼夾
轂効趨蹌騎從如雲錦腰裏千金裝卽看擁蓋卒
頗亦得揚揚所入將有合漠然與相忘燕雀赴炎
熱鶯鳩搶榆枋流波漂斷梗故林寄孤芳於我久
依倚始終無他腸似聞憐穎士或疑戒鄭莊驛館
空山裏瘦馬病乘黃飼秣無早夜川原期騰驥與

到吟短詩有作成一囊偶從簿書暇出袖屬斟量
才豈類廝養心能薄倚墻我拙羈小邑秋砧過三
霜舊人舍之去前後若相望挽留旣愬置消息復
渺茫幸賴有此耳使人意差強獨念分甘意佐饗
每得嘗官貧乃如此未用自慨慊有慚孤負汝徒
爾形昂藏邇來較筋力感嘆桑榆光無計破岑寂
便可遊醉鄉不見老鮮卑飲食都如常

與黃櫟田司馬

鶴齡南
康人

我本倔強客從君久服膺道深懷淡泊壁立影峻

憎性分羞因熱辛勤當刻冰長官能曲諒不礙作
尊丞

次韻答李敬迪

欲問此翁何夔鑠胸中自有衛生經術深釋衲三
尸絕甘立淮南五味亭投老蒼髯益轉黑向人白
眼也能青借籌屈作平原客一笑山城正戴星

過晉陽巷舊寓感懷李西京刺史卽寄楊子

安華州

大字猶在榜瀟灑載書亭淪茗必相飲當歌時共

聽依栖已陳跡惆悵是重經待訪楊雲宅西溪叩
竹扁

將之永州

未信吾才別駕宜祇應山水是前期雲開衡嶽花
扶屐苔拂浯溪手搨碑幽興已輕川路遠層波待
蹴畫船移天邊閒看翻風鳥投向長林欲借枝

別八弟修以

迎我洛陽城送我鳴臯野中間留月餘別淚盈汝
把人生骨月親睽離睵一晤會合忘意外臨歧恨

世務汝生質地厚季父疑汝癡束髮教句讀命我
爲之師稍稍知學問我多事遠遊應坐我誤汝詩
筆力尙柔茲來古陸渾地近緱氏山喬公偃師泉
如孝廉
舊通門情均伯仲間敬以傳我語有作屬鍼砭彼
族佳子弟強半依壇坫此邑官政簡無需汝叅議
澄心閉東齋努力專所事微秩莫急就弟應補吏
官西曹
責非所諳功名何足道書味有餘甘我去涉瀟湘
寄書難時達離緒撥千重持此當三喝

桂

芳香難自秘老桂作春華深碧留霜葉新黃和露
芽曉風湘箔卷夜月畫欄斜何處閒桃李浮榮可
漫誇

蘭

盆蘭秋更碧葉底一莖藏物豈少爲貴品原孤未
妨霽新風定影曉徹露凝光不用重簾護流香滿
曲廊

次答楊梧岡徐漸溪兩學博卽別

論文吾豈敢况是少閒期偶得相投處同爲許可

詞老漁操網定飛將出兵奇此意雖能識徘徊著
手時

會合亦相忘臨歧惜景光霜煙橫水白橘柚綴籬
黃停楫憑移晷當筵怯舉觴何時文酒會重與對
胡床

東安與幕中諸客

路繞清溪江幾灣孤城簇簇擁青山看秋深入松
篁裏得邑新逢水石間賓客由來矜作達丹鉛好
與共消閒阿誰不解耽幽寂欲笑叅軍語帶蠻

檢得張印周先生手蹟慨然有作

書學繹堂叟以生尤見新裝池今再整賞識舊無

真幽隱多能事沉埋復幾人炎南殘燹盡

於明經張維爲

同族詩筆正如神

楓毬

老向枝頭不礙乾
篝爐夜火辟輕寒
佛林寶秤金丸落
海國雕盤荔子丹
香豈流脂原自好
色如墜葉到秋殘
旅生還欲尋
馘菌栩栩眉飛盡
日歡

山行

斑斕叢樹帶霜筠，點綴山家不似貧。
數盞寒圳籬影下，晚風吹動碧粼粼。
千條短瀑決澗田，落澗穿林赴大川。
磴路紆盤通峇口，迴聽飛響出高煙。

雪

霏微小雨成輕霰，煙江暝色冬之半。
薄颺浙歷掠疎篷，淡月朦朧下曲岸。
炎方昨宵尙作熱，礮礮遠嶺曳飛電。
瀟湘浮碧衡嶽青，誰知天公妙回幹。
泊向懸崖弭短橈，林鳥撲漉共灘鴈。
舟子怯寒自偶。

語好尋絮被重遮幔他時會獵出桑乾層冰踏裂
裘茸亂空際驚虬驕騾裹風裏鳴鴟大羽箭久是
幃車忘鬱悒無端髀肉生嗟歎朝來吟望坐船頭
沙水搖風清練練

愚溪

溪神可無憾名以寓公成一壑專荒徼千秋得此
聲人從看沕穆自不礙澄清能識如愚旨蒙莊別
有情

得邢禺坪書知季佩入蜀却寄

聞向蜀中去舊游征馬嫻襟懷原浩蕩詩句肯清
孱遙夜虛姜被何時入散關江梅寒有信應已念
家山

檳榔

何止宜人瘴癘鄉借爲冰檠戰膏粱胸中硯磊銷
孤悶味外酸鹹別衆香似乞丹砂向勾漏笑將紺
唾比昭陽藥籠果盒都隨分拈取憑君自在嘗

將赴永明

浦頭春霽挂帆行水出清溪徹底清久將官序方

潘岳借把詩篇號永明粵嶺北來梅尚早營陽西
上石叢生看山有分吾能信又說嵐光滿一城

陳彬娥畫桃花

并序

陳氏彬娥父爲老畫師家元和僑居長沙與
某刺史善一日過之几上見花卉畫冊瀟洒
有致問知女郎能爾爲也求爲副室歡甚不
踰年而歿家人以彬娥歸於陳時謂且更適
也具禮而聘者數至其門迺矢志守節以丹
青助父爲生計今二十有六年矣人與畫庶

並傳乎

軟風流水澹春陰
窈窕桃花開滿林
祇許崔郎識
人而柴門重掩碧溪深

盈盈作態自橫陳
帶露還如淚眼顰
宮樹細腰春色好
啼痕休認息夫人
沙水輕搖短竹籬
飛殘紅雨斷腸時
無言寫得飄零恨
手剪生綃畫折枝

浣溪

鐘聲山寺曉
天寒霽雨春衣落
點殘烟靄竹藤分

蘇徑風輕鷗鷺聚沙灘憑教急漿催人去且上層
臺盡意看畫稿涪翁先覺得石叢蒼翠插檣竿

茅箭灘守風

前灘難似去凌虛淄淄春流落漲初試傾瓦甕餘
鄰酒偶引綸竿上竹魚雨氣寒濃重結帶幔鉤高
起好看書風檣日口香山老合是輸人意泊如

周秀才斯送花

舊來花事說攸水送向潭州銜尾舟長物應知非
我有曉人幸免致書求山城寂寂春將暮瘴霧沉

沉雨未收僻遠誰能更搜索虛堂清供喜相投

答梁冲泉廉使留別之作

樓船搥鼓欲移荊雙鯉迢迢託素波果是閒忙負

詩少本來容接用情多炫書已笑班門斧

蘇林相國及山

舟太史世以書名

覓句難酬郢客歌擬把雲箋張巨壁如

陪丈室雨曼陀

菊影

淡墨其誰染寫爲高士真舉杯明月下未止是三

人

寄家文石兄香河

薊門揖別已三年，祇記音書一再傳。
遠道攜家同此累，微才課最讓人賢。
螺盃湏酒圍爐夜，斗室湘蘭過雨天。
稚子溫經還弄筆，故應相對各欣然。

劉時軒招集禪寓有懷冲泉廉使

去臘燈前醉和詩，朝來爭料使君知。
卽看置酒要陶令，每是逢人說項斯。
霽日寒消埋徑雪，梅花添著近簷枝。
閒談振觸離情起，欲覓游鱗問海湄。

晤吳二澄圃

嗔我踈音問見君相愛心飾詞非所慣病嬾與時
深泚水靈巖下桃川粵嶺陰長談慰澗別客舍雨
泔泔

蝶

木蠹翩然變化奇金星粉暈有妍姿偶憐花艷墻
頭過閒趁泥香馬步隨於貌若驚原作戲憑他論
骨總成癡心空物我蒙莊達栩栩逍遙寄夢思

硯

蒼色一片石有如精鐵寒姿貞介不易用久角微

園滌每臨清泚研寧黠薄丹萬言經日試泉湧未
曾難

瀟水

雲際水飛疊石下奔騰注坡似駿馬電掣星馳浩
莫避要看盤旋向大野謝沐銅嶺接壁山俯窺桐
口極藤社中間磽陁亘百里東流瞥昔快一瀉石
闌草堰排龍鱗貯雨擁雪橫腰身蜿蜒萬丈驚趨
走霑灑陸地憑屈伸今年春河已濤沛熟梅細雨
仍經旬陂塘激灑溝塍溢凝碧積綠無崖垠稻秧

插齊人袖手不搬桔槔踏水輪準備划船作競渡
伐鼓揚旗賽水神

犀牛洞

靈物何時見洞口但烟霧致雨舊有問居人奉香
炷去夏偶驕陽咒之適枉步所以狗輿情幻妄已
早悟笑此龐然者形影修自顧一飲必濁水潔白
非所務獨有花文角堪作却暑具蜥蜴之不如老
漁當可捕

李衛公祠

嶺南巡管舊司徒一片唐碑石路隅九十連城下
江漢生平雄略本孫吳省方德教宣天子冠古功
名屬丈夫風角鳥占傳說舊爭投盃玦走村巫

放船

行舟湘口上薄暮礙灘石放溜湘口下悠悠隨遙
夕煙和山氣青水共月色白羅幔啟篷牕藤枕敲
筠席有憶澎島外橫洋萬斛舶波平星斗近風靜
霧靄擊夜航向臨安角吹傳水驛櫂歌太湖中夷
猶似泛宅谷口既輟耕戲游作遠適何不盡東南

乃此耽幽僻地雖稱清絕帆轉九面窄會須乘飛
車不爾控雲翮到處續宿緣心諳非生客卧聞潮
鷄鳴旭景出林隙

木簿

深壑伐竹樹結簿從適遠連絡浮水際入望似長
阪山隣合湊得蓄謀真一展土瘠家苦貧生計共
龜勉行行擊破鼓齊力作運轉草屋縛管蒯風雨
供息偃越鄉售不易彌年或無返大賈薄酬直抑
令損又損故爲區美惡苛覈事擇選聲價寧有定

品騰視深淺物理有如斯
踏蹬夫豈鮮耐心好相
俟沽之休嗟晚

侯潔軒刺史華下遊春圖

雲漢南宮人

城頭千仞玉芙蓉
官閣浮嵐滴翠濃
坐覺郊原春浩蕩
行留車蓋看從容
路迴花塢侵芳草
橋跨煙溪偃老松
合著新圖替潘閩
風髯駐馬對三峯

古木椿

瀏水清無底綠萍合
水面遠渚落漲餘
木椿尺寸見極目
看點點碧海浮元燕
長風卷層波出沒中

流半昔聞伐雲壑樹之衛郊甸堅質如鐵石百劫
埋不爛入地知何極撼動舉無患作事在古人精
實足制難應噉鹵莽者慣爲搏沙散居民習於泗
潛伏費拽鑽譬似截老蛟剛能取一段細文黝而
光微香通鼻觀相材得所用裁成青玉案

西瓜

大編襄陽來載有襄陽瓜估客高價直一朝倍長
沙楚人食之甘斗萍漫矜夸飽啖秋陰寒不惜冰
齒牙五月涇渭間嘗新自農家土脉受來厚色正

如黃花快果比哀梨鬆脆實有加此時欲除蔓亂
堆飽豚豶從來珍赭石丹未研三巴地不產良璧
砥硃抵瓊華

藕

誰拔如船藕太華三峯巔冰桃同一薦瑤池登華
筵清絕瀟湘曲沼沚多白蓮取時及花下碧露朝
晴天兩端分老嫩修潔難棄捐生熟俱宜人藥籠
留節圓舊說司馬塘平波葉田田靈根應手斷寸
絲無糾纏水南有佳李並歸永陽偏誰能爲口腹

食物窮芳鮮

贈張六明府能祐

任伋賢豪

謂燕村通守

說子賢交情金石共西川自然

玉樹臨風皎何者蓮花似貌妍成誦文書纔過目
憑人揖讓祇隨肩晉陽冠蓋相逢地我亦當時最
少年

得守坡司馬書約於長沙取別馳聲奉答

歸計料應熟萊州定秀州

家高密倚居嘉興

裨看中興頌

題到岳陽樓嶺澗丹楓老天長白雁秋菊醉留一

半滿酌待行舟

疊韻訓陳芷問

嘹唳連聲響朔鴻呼羣點點入霜空爲看聯絡客
禽影有似交游君子風意密不關比舍近談深難
得兩心同誰傳招隱淮南賦一曲山幽桂樹叢
問答都來忘主賓誰論下里和陽春琴書偶亦乘
清興著作專應屬散人析理超超歸有著立言曼
曼去其陳從君起悟知多少宛轉關生在浹辰

四疊前韻簡芷問

指爪痕如雪裏鴻得從居士更談空海鰲拚作三年釣天籟量非萬竅風妙絕機鋒經好對那煩步驟定相同華箋看取詩屏就六曲圍床錦繡叢
要憑文醮樂嘉賓試手新成麩米春載向溪山最佳處呼同侪不羈人平教量受千鍾得詎比鎗容五合陳乘興往來都已慣不須卜筮卽良辰

盛拾雲詩不落筆疊韻挑之

難成縱目送歸鴻對景躊躇一紙空但使神來乘
手筆定知草就愈頭風大松數武才誰比十載三

都事許同解識忘言真得意請看栩栩起眉叢
文人十二有龍賓惜墨如愁漏洩春萬里培風方
展翼一鳴跨海自驚人卮言每下通於上粟米雖
新出本陳匣劍深藏胡弗試夜間寶氣上星辰

示菊男

大字縮令小小字拓令大游於八法中神於八法
外正筆先正心欹斜休無賴結構必緊嚴風韻自
暎帶仔細盡萬紙快比風雨會未敢望鍾王詎失
爲米蔡

答傅二遜修

閒中覓課笑吾癡觸事須看與性宜餘墨情之成
小畫明燈就得改新詩秋豐水曲山隅徧冬暖霜
風霽景隨助理有君惟畫諾年來况復罷彈棋

送張儀南郡丞之任江華

此行斑舞一軒渠得自

彤墀拜

命餘注考上官憐悃悞賫錢故老助舟車

大中丞
又川李

公疏稱爲人質實君
去瀏陽致缺資斧年來奔走勞

王事宦入溪山似里居
暖谷消閒容借住
三冬陳
篋課兒書